

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

In Die S. Matthæi.

Evang. Matth. 9. v. 9. 13.

DE Abraham legitim Gen. 12. vers. 1. & seqq. quod exire jubetur de terra sua, & de cognatione sua, & de domo patris sui, quæ idolatriæ dedita erat, in terram, quam ipsi Dominus monstratus erat. Nec mors. Surrexit Abraham per fidem & exivit, nesciens quo iret, Ebr. 11. v. 8.

Patem historiam habemus in prælecta pericope, ubi Christus Matthæum vocat à telonio ad Apostolatum, cui ipse vocationi promptus obtemperat, superatis obstaculis, quæ proposito suo temoram aliquam injicere poterat. De familia ejus nil constat in sacris literis, præterquam quod à Marco & Luca Levi, & quidem Alphai cuiusdam filius appellatur, Marc. 2. vers. 14. Luc. 5. v. 27. unde quidam è tribu Levi ipsum oriundum suspiciati sunt, cum multi ex Lévitis duro paupertatis onere pressi agriculturam exercere coacti fuerint, quod constat ex Nehem. 13. vers. 10. Post ascensionem Christi ad cœlos immediatis Sp. S. donis cum reliquo Apostolorum cœtu exornatus, Evangelium prædicavit Judæis & Hebrais. Deinde Asiam & Pontum peragravit, & tandem in Æthiopiam devenit, ubi Præfectus Reginæ Candaces, quem Philippus baptizaverat, Act. 8. v. 38. ipsum hospitio exceptit. Antequam tamen ex Judæa discederet, historiam Evangelicam conscripsit Hebræo idiomate, ut multi ex veteribus opinantur, quanquam id quidam nostrum non abs te in dubium vocant, quia testimonia è V. T. allata non ex fontibus Hebraicis, sed ex translatione LXX. Interpr. desumpta proferuntur.

In Æthiopia, ut scribit Eusebius, Regem Ægyptum, & Conjugem ejus Euphrosynen, cum filio Ephrone, quem à mortuis excitavit, & filia Iphigenia ad Christi cognitionem perduxit. Contigit autem, ut Dux quidam gentilis ambiret illam, quod dissuasit Matthæus, & proinde ante aras trucidatus est Anno Christi 76. Alij alifer. Vid. Haidego. Ench. id. Bol. lib. 3. c. 2. p. 3449. Sig. j. Dieterl.

Nos prælectam pericopen ad manus su-
memus, cujus duas sunt partes:

I. Matthæi vocatio.

II. Pharisaorum murmuratio.

J. J.

EXEGESIS.

MAI. 3. v. 3. de Angelo Testamenti, id est, vid. Part. 2. fit filios Levi, quasi aurum & quasi argen-
tum, ut idonei siant, ad offerenda Domino sacrificia in justitia. Impletionem hujus va-
ticinii videmus in Evangelio nostro, quod annuæ S. Matthæi memorie consecratum
est, quia alias Levi dicitur, & à telonio in
Christi scholam vocatur, in qua ita purifi-
catus & perpolitus est, ut postea cum reliquis
exierit in universum mundum, sacrificans
Evangelium DEI intergentes, ut gentes et-
jam fierent oblatio accepta & sanctificata in
Spir. Sancto, Rom. 15. v. 16. Hanc historiam
Matthæus ipse consignavit, justus enim est
acculturor sui, Proverbior. 18. vers. 17. & qui
confessus fuerit peccata sua, & reliquerit ea,
misericordiam consequetur, Prov. 28. v. 13.

Duo igitur hic potissimum consideranda occurunt:

Eee

I. Per-

I. Persona vocans, cuius h̄ic describitur

1. *Nominalitas.* Nam Jesus dicitur, quod est nomen Salvatoris nostri proprium, & ipso opere h̄ic verificatur in Matthæo, quem Christus à telonio avocatum in numerum Apostolorum storum adoptat, & ab omnibus peccatis suis justificat.

Idem adhuc hodie vocat nos per ministros suos ad pénitentiam, 2. Cor. 5. vers. 20. Ergo vocantem sequere. Nam Jesus tuus est, qui non venit perdere animas hominum, sed servare, Luc. 9. v. 56.

2. *Sedulitas.* Nam digrediebatur illinc, ait Evangelista, nimirum ex civitate Caper-naum, & speciatim ex illa domo, in qua jamjam paralyticum sanaverat, ad mare Tyberiadis, ut turbam doceret, testante Marco cap. 2. v. 13. finitâ autem concionete-lionum præterit, ubi Matthæus sedebat. Ita adhuc obambulat in mundo, & per ministerium verbi Ecclesiam sibi colligit. Impri-mis eò digreditur, ubi peccatores sedent, ut in viam justitiae eos reducat. Non enim vult ullos perire, sed omnes ad agnitionem veritatis pervenire, 1. Timoth. 2. v. 4. hinc misericordia sua pervenit peccatores, ut ostenderet patientiam suam ad informationem eorum, qui credituri sunt ad vitam æternam, 1. Tim. 1. v. 16.

3. *Benignitas,* quam declarat

1. *Aspectu.* Nam vidit hominem, inquit Evangelista, in telonio sedentem, hoc aspectu pénitentiam in corde Matthæi operatur. Ita videt adhuc quoscunque peccatores qui in abscondito tenebrarum opera perpetrant, Sir. 23. v. 28. Psalm. 49. v. 9. & quamvis in momento ipsos perdere posset, tamen patienter agit, & non vult quemquam perire, 2. Petr. 3. v. 9. interim hoc probè considerandum est, ne voluntariè pecc-

mus, sed semper cogitemus, oculos Domini apertos esse super omnes vias filiorum hominum, Jer. 32. v. 19. qui enim voluntarie peccat, & intuitum Christi amicabilem, quo nos ad pénitentiam invitat, malitiosè contemnit, non habet amplius hostiam pro peccato, sed experietur olim vultum iræ divinæ, à quo fugiet ad petras & colles, & ramen non effugiet, Apoc. 6. v. 16. 17.

2. *Affatu.* Nam sequere me, inquit, & hisce verbis ipsum non tantum ad fidem, ut Zachæum, sed etiam ad Apostolatum efficaciter vocat. Vox illa adhuc quotidie sonat in Ecclesia, jubens ut sequareis in patientia, in humilitate, in charitate, &c. Felix qui sequitur, Apoc. 14. v. 4.

II. *Matthæus obtemperans.* Nam verbum Christi non fuit iritum, sed vivum & efficax, quo Matthæus statim quasi mutatus & emendatus est. Hoc ipse ostendit.

1. *Surgendo,* dum à telonio vocatus statim surgit, & vitæ anteactæ turpitudinem execratur. Hoc ipso nobis exemplum reliquit, quod omnes peccatores imitari debent, qui haec tenus in scabello usuriariorum, maledicorum, Epicuræorum, adulterorum & scortatorum, ebriosorum, &c. sederunt, tunc Dominus non amplius recordabitur iniquitatum quas operatus est quilibet eorum, Ezech. 18. v. 22.

2. *Sequendo.* Non enim surrexit tantum, sed etiam fecutus est Christum, inquit Evangelista. Idem nobis quoq; incumbit. Unusquisque habet vocationem suam, cuius vi Christum sequi tenetur. Sequamur ergo, nec revocet nos victus indigentia, Luc. 9. v. 58. Matth. 6. v. 32. non termini ignorantia, Gen. 12. v. 1. seqq. non mundi truculentia, quoniam diligentib; Deum omnia cooperantur in bonum, Rom. 8. v. 28.

3. *Con-*

3. Convivium instituendo, quo declarat

1. Gratitudinem erga Christum. Vocaverat ipsum Christus ad cœnā spiritualem, & beneficiorum coelestium participem fecerat, utpote sunt remissio peccatorum, justitia, vita & salus æterna. Hinc ad gratitudinem se obligatum agnoscit, & quia nihil habet aliud, quo animum suum explicet, convivium instituit, & Christum cum suis invitat discipulis. Ita fidem suam factis demonstrat, quod ab omnibus verè Christianis requiritur, Jac.2. v.18.

Pati gratiâ donati sumus. Ergò Christum inviteat Vos mei, corda aperiendo, & CHRISTUM pulsantem intrommittendo, Apoc.3. vers.20. pauperibus beneficiendo, Luc.14. vers.13. Pastoribus tuis pro cibo spirituali in verbo & Sacramentis, necessariam alimentationem suppeditando, tunc ipse olim in vita æterna convivio pinguium medullatorum, & vini defecati iterum te excipiat, Esa.25.v.6.65.v.14.

2. Charitatem erga proximum. Nam multos etiam publicanos & peccatores invitat, ut suo ipsis exemplo ad consimilem vitæ emendationem alliceret, & Christo occasionem subministraret ad cœterorum, quoque sui ordinis hominum publicanorum & peccatorum conversionem, quam ex frugifera conversatione colloquioque Christi fecuturam non temere divinabat.

Hæc est natura & proprietas fidei salvificæ, ut per charitatem in apricum prodire soleat, Gal.5. v.6. Gratia ergo Dei conversus, converte etiam alios, id quod David spondet Domino, Psalm.51.vers.15. Christus Petro præcipit, Luc.22.vers.32. Paulus monet, Gal.6. v.1. hoc est optimum beneficium, quod proximo exhibere possumus, &

superat omnes thesauros quibus mundus inhiat, & operiet multitudinem peccatorum, Jac.5.v.ult.

De Secundo.

FUit Matthæi vocatio, succedit Pharisæorum murmuratio. Postquam enim vident Christum cum publicanis & peccatoribus in convivio Matthæi accumbere, & humaniter conversari ἐγγένετο οὐ γεματός, inquit Lucas, c.5. v.30. & dicebant ad discipulos ejus: Cur cum publicanis & peccatoribus vescitur Magister vester?

Ubi nobis observanda venit

I. Calumnia atrocitas, quæ satis appetat

I. Ex modo. Non enim CHRISTUM ipsum adorantur, quia timent confusione haec tenus saepe reportatam, sed apud discipulos se insinuant, qui infirmi adhuc erant, ut autoritatem Christi vel minuant, vel planè prostituant, ipsosque ad suas iterum partes pertrahere studeant. Habemus hic vivam imaginem omnium hypocitarum & calumniatorum, quibus à tergo proximum maledictis & convitiis proscindere volupet. Hi in Scriptura sunt infames, Sir.5. v.16. seq. & regnum Dei non hæreditabunt, 1. Cor.6. v.10.

2. Ex sono. Nam quid est, inquiunt, quod Magister vester cum publicanis & peccatoribus vescitur? q.d. noscitur ex socio, qui non cognoscitur ex se. Hoc argumentum pulcrum habet speciem. Ideo enim Cananæos planè extirpari voluit Dominus, ne forte peccare facerent Israélitas, & fierent ipsis in scandalum, imò prohibuit, ne fœdus inirent, aut amicitiam jungerent cum ipsis Exod.23. vers.32. 34. vers.12. Huc pertinet dicta, Psalm.1.vers.1.50. vers.18. Esa.52.vers.11. Sir.13. vers.1. Sed omni illa

Ecc 3

illa